



日涉編

吳震跡履
高書印記

楚應城陳

堦升也甫

編輯

邑人徐養量叔弘甫校刻

虞正縉

甫

陳光宸致可甫

李宇粹

甫

陳蕾伯春甫全閱

七月

七月建申申身也言萬物身體成也

合璧
事類

夷則申之氣也七月建馬周禮

日在翼昏斗中旦畢中禮記

天地始肅今月

流火詩

招搖指申淮南子

序移玉律氣應金商唐書

日行白道曰西陸謂之秋後漢書

西方曰辰其時曰秋其氣曰陰管子

孟秋行春令則亢旱不實行夏令則多火災痰熱

瘡症行冬令則敗介蟲來戎兵呂氏春秋

為相爾雅

景曰明景澄景清景晨景辰曰婁辰節曰素節商

節

肇秋亦曰孟秋初秋上秋早秋首秋蘭秋以上梁元帝纂

要

唐宮中每至秋時妃妾以金籠閉蟋蟀置枕畔夜聽其聲庶民之家皆效之開元遺事

明皇嘗製秋風高曲每至秋空迥徹纖埃不起即

奏之則清風遠來庭葉交墜

羯鼓錄

永州風俗少年常擊鼓群入民家號行盜皆迎為

辨具謂之起盆後為解索喧呼疾鬪韋宙山為永

禁之山白

天曰旻天梁元帝纂要

宋神宗熙寧元年戊子夜西南雲間有聲鳴如風

水相激又七年丙寅夜西北方雲間有聲如磨物

又七年庚子夜西北天鳴占主政害民勞兵革歲

動宋史俱係七月

彩血山西方敵月義熙二年

義眉山頂下雪謂之封山野記

風曰涼風又曰商風素風凄風激風悲風金風梁元

帝纂要

江南有大風相傳以為孟婆發怒按山海經謂帝之女遊於江中出入風雨自隨以帝女故曰孟婆

野記

東都大雨人多殍殍先是童謠曰新禾不入箱新

麥不入場迨及八九月狗吠空垣墻唐高宗永淳九年通考

天雨電殺牛羊 王莽天鳳元年漢紀

廣州雨金占曰人君多殺無辜 垂拱二年五行志

天雨水銀占曰人君多殺無辜 惠帝永興二十六年晉書高宗紹興

二十年七月亦雨水銀宋史

天雨錢或從石甃中湧出 紹興二年宋史

天雨血 端平三年五行志

泗州下邳天雨湯殺鳥雀 唐懿宗咸通八年出通考

北地兼雨肉似羊脅 桓帝建和三年時梁太后攝政兄弟專權枉殺李固杜喬

等天下冤之其後梁氏誅滅出漢書

京師雨毛如髮長者三尺餘短者六七寸 文帝開皇六年

京房易飛候曰天雨毛其國大饑時閏中旱米粟湧貴出隋書

黃河是月水名荻苗水 水衡記

齊東昏侯淮水變赤如血 永元元年

陳宣帝江水赤如血自建康西至荊州禎明中江

水赤自方州東至海 太建十四年京房易占曰水化為血兵起其後為隋所滅

唐穆宗河水赤三日止 長慶元年通考

王方翼次葉河無舟而水合時以為祥 白孔六帖

晉神山縣北谷中有鐵隨水流幽方二十六三尺其

重七千斤建隆二年

武帝殿前地陷方五尺深數丈中有破船太康八年

雜事

熙河路地震有裂數十丈者蘭州尤甚倉庫俱沒

河東諸郡震裂宣和四年

黃氣出壁長五尺餘占曰兵出景德元年

京城紅葉滿空如火照人自旦至辰方息後數日

京城黑氣起百步內不見人自寅至巳方消順帝七年

元史

汴州相國寺佛閣見有赤塊轉門譙藤網中周而

火作頃之赤塊北飛轉佛閣藤網中亦周而火作

既而大雨平地水深數尺火亦不滅唐昭宗大順二年

齊武帝不豫徙御延昌殿始登階而殿屋鳴叱上

惡之未幾崩永明十一年

王莽社陵便殿乘輿虎文衣廢藏在室匣中者出

自樹立堂上良久乃委地吏卒見者以聞莽惡之

地皇元年
以上通考

進賢縣婦產子首有角腋有肉翅光宗紹熙二年

河中生草葉自相膠結如旌旗之狀時人以為旗

子草僖宗光啓元年五行志

晉陵縣民析薪中有木字曰紹興五年如是者二

是時猶未改元其後果然此木妖宋史

彰德李樹結小黃瓜民謠曰李生黃瓜民皆無家

順帝至正三年元史

鳳凰集蒼梧吳孫權黃武五年

鳳凰見會稽山陰武帝永初元年以宋書符瑞志

有小鳥如雀生大鳥如鳩於萬年宮皇帝舊宅高宗

永徽五年

烏啣菽為城方十餘里高二三尺烏口皆流血德宗

貞元四年上舊唐書

武陵縣龍闕於復塘村大雷雨二龍奔逃珠墮火

如車輪牧童得之自是連歲有水災宋孝宗乾道五年五行志

有蛇從郭外入與邑蛇群鬪孝文帝廟漢孝武帝太唐二年

白孔六帖

詩

江南孟秋天稻花白如氈素腕慚新藕棧粧妬曉

蓮鄭槩狀江
南七月

時秋積雨霽新涼入郊墟燈火稍可親簡編可卷

舒韓文公

逋蕭取遙風微微近秋朔金柔氣尚低火老候愈

濁韓聯句

急雨收殘暑西風吹暮蟬煙浮水空闊露洗月華

圓張芸叟

打荷看急雨吞月任行雲夜半蚊雷起西風為解

紛山谷

寂寂官槐雨乍晴高枝斜帶夕陽明臨風忽起悲

秋思獨聽新蟬第一聲寇準新蟬

銀獨秋光冷畫屏輕羅小扇撲流螢天街夜色涼

如水臥看牽牛織女星杜牧秋夕

萬事悠悠心自知強顏於世轉參差移牀獨臥秋

風裏靜看蜘蛛結網絲王安石省中

洛陽城裏見秋風欲作家書意萬重復恐匆匆說

不盡行人臨發又開封張藉秋思

五千里外三年客十二峰前一望秋無限別魂招

不得夕陽西下水東流

崔塗巫山七月於別

繞樹無依月正高鄴城新淚濺雲袍幾年始得逢

秋閨兩度填河莫告勞

蔣列閨七月題烏鵲

蘆花兩岸風蕭瑟渺渺煙波浸秋日鷗鷺家深不

見人小艇忽自花中出

王十朋蓮花

旦暮已淒涼離人遠思忙夏衣臨曉薄秋影入簷

長前事風隨扇歸心燕在梁殷勤寄牛女河漢正

相望

元稹

殘暑已束裝好風方來歸未能疎團扇且複製秋

衣高蟬遽如許長吟送落暉相戒趣女功莎虫能

表微

杜甫

新裂齊紈素皎潔如霜雪裁成合歡扇團團似秋

月出入君懷袖動搖微風發常恐秋節至涼颼奪

炎熱棄捐篋笥中恩情中道絕

顏延年班婕妤好扇詩

星依雲渚冷露滴盤中圓好花生木末衰黃愁空

園夜天如玉砌池葉極青錢僅厭舞衫薄稍知花

簟寒曉風何拂拂北斗光闌干

李賀

立秋

立秋木死水歿火休金相

大暑後十五日斗指坤為立秋秋者摯也物於此

而摯歛也

孝經緯

律中夷則

孟秋氣至則夷則之律應月令

斗柄西指而天下皆秋

鷓鴣冠

一葉落天下知秋

淮南子

壯志悲秋感陰氣也

韓子

坤西南也主立秋

易說

磬立秋之樂也

磬者夷則之成五經之氣象萬物之成五經要義

西方以立秋為白精之帝而少昊蓐收食焉

月令

濁陰雲出如

緇

立秋白露下

上易卦驗

立秋西方閭闔風至

一名颼風出符瑞圖

列子遇風常以立春歸乎八荒立秋遊乎風穴是

風至草木皆生否則搖落謂之離合風

陸機要覽

蟋蟀吟於始秋

後襄楷書

立秋促織鳴女工急促之

春秋考異郵

立秋腐草為螢

易通卦驗

瑤光星散為鷹立秋之日鷹鷗擊

春秋元命苞

立秋日午時豎竿影得四尺五寸二分半五穀熟

立秋後四十五日內土氣在坤不得修造動土及

遠行出軍士凶

月令占候圖

立秋涼風至報土功祀四鄉

易通卦驗

立秋日涼風至王者報地德禮西郊

白虎通

先立秋祀黃帝迎氣西郊樂奏黃鍾歌西顛舞雲

翹

後漢書

春官宗伯以白琥禮西方

立秋為白精之帝故曰琥以象秋氣之嚴肅周

禮

龜以立秋日祭獸王者亦以此日獵獸祭宗廟

按爾雅

龜似狸或曰虎五指為龜柳子曰龜畏虎虎畏熊出漢書

立秋日習戰陣之儀名曰龜劉

後禮儀志

天子居總章左介乘戎輅駕白輅載白旂衣白衣

服白玉食稻與魚其器廉以深太史以立秋三日

謁于天子曰某日立秋盛德在金天子乃齋立秋

之日天子親率諸侯大夫迎秋于西郊還乃賞軍

師武人於朝乃命將帥簡練俊傑專任有功以正

不義詰誅暴慢以明好惡順彼遠方禮

立秋日自郊禮畢始揚威武斬牲于東門薦陵廟

其儀乘輿御戎車白馬朱鬣躬執弩射牲牲薦鹿

麇謁者各一人載以獲車馳送陵廟還宮遣齋東

帛賜武官武官肄兵習戰之儀斬牲之禮名曰軀

劉兵官皆肄孫吳之兵法六十四陣晉書

立秋日夜漏未盡五刻京都百官皆衣白迎氣于

西郊續漢書

漢家授御史多於立秋日蓋以風霜已嚴鷹隼初

擊裴德容本傳

孫寶為京兆尹請侯文為掾進見如賓禮數月以

立秋日署文東部郎且曰今日鷹隼始擊當順天

地取姦惡以成嚴霜之誅掾部詎有其人乎文曰

無其人不收受職寶曰誰也文曰霸陵杜穉季寶

問其次文曰豺狼橫道不冝復問狐狸孫寶字子嚴漢書

京師立秋滿街賣楸葉婦女兒童皆剪成花樣戴

之形製不一夢華錄

立秋日人未起汲井水長幼飲之却病常氏錄

立秋日勿沐令皮膚麓燥

延壽參贊書亦出攝生論

嵩山之上有三女擣帛石瑩徹光潔人莫能測岳

下人云立秋前一日中夜常聞杵聲響

五代秦再思紀異

立秋日五岳諸真人諸黃老君子黃房靈庭山會

仙官于日中之天下祀圖靈樂

登真隱訣

詩

茲辰戒流火商飈早已驚雲天收夏色木葉動秋

聲

劉言史

獨行獨語曲江頭回馬遲遲上樂遊蕭颯涼風與

衰髮誰教計會一時秋

白居易立秋日登樂遊園

風入泥陽池館秋片雲孤鶴兩難留明朝獨向青

山廓惟有蟬聲催白頭

武元衡立秋華原南館別二客

日月不相饒節敘昨夜隔玄蟬無停號秋燕已如

客平生獨往願惆悵年半百罷官亦由人何事拘

形役

工部棄官去客秦州作是時立秋後一日

百重堆案掣身閒一葉秋聲對榻眠牀下雪霜侵

戶月枕中琴筑落堦泉崎嶇世味嘗應遍寂寞山

栖老漸便惟有憫農心尚在起瞻雲漢更茫然

東坡

立秋日禱雨宿靈
隱寺同周徐二令

山雲行絕塞大火復西流
飛雨動華屋蕭蕭梁棟
秋窮途愧知己暮齒借前籌
已費清晨謁那成長
者謀解衣開北戶高枕對南樓
樹濕風涼進江喧
水氣浮禮寬心有適節爽病微瘳
主將歸調鼎吾

還訪舊丘

工部三秋日雨
成都幕中作

樓峴倚長霄登攀及霽朝
高如石門頂勝擬赤城
標天路雲虹近人寰氣象遙
山清伯禹廟江落伍
胥潮徂暑迎秋薄涼風是日飄
果林餘苦李萍水

覆甘蕉覽古嗟夷漫陵空愛寂寥
更聞金刹下鐘

梵晚蕭蕭

遜立秋日題
安昌寺北山亭

律變新秋至蕭條自此初
花酣蓮報謝灤在柳成
疎淡日非雲映清風似雨餘
捲帷涼暗度迎扇暑
先除草盡多翻燕波澄乍露魚
今朝散騎省作賦

興何如

司空曙
立秋作

處暑

立秋後十五日斗指申為處暑
言竇暑將退伏而
潛處也

孝經
緯

處暑赤雲出易通卦驗

處暑日鷹乃祭鳥後五日天地始肅後五日禾乃登修宮室圮垣墻

處暑後築塲圃登穀天子嘗新先薦寢廟以上月令

日涉編卷之七

日涉編



楚應城陳 堦升也甫編輯



邑人徐養量叔弘甫校刻

虞正縉 甫

陳光宸致可甫

陳 蕃伯春甫全閱

七月

一日

宋蒼梧王是夜熒惑太白辰星合於翼元徽七年占曰改立

王公出南齊書

唐太宗是日黃氣竟天大雨穀水溢貞觀十一年通考

後晉開運元年是夜大雷雨明德門內井亭有石

槽槽有龍首其夕漂行數步而龍首斷焉識者云石國姓

也龍首既斷大不言之象

武后封嵩嶽為神嶽大中王垂拱四年事物紀原

宋真宗是日謂輔臣曰朕夢神人降傳玉皇之命

云先令汝祖趙某授汝天書即日於延恩殿設道

場先聞異香頃之黃光滿殿蔽燈燭親仙儀衛天

尊至曰吾人皇九人中一人也是趙之始祖皇帝

善為撫育蒼生無怠前志即離坐乘雲而去祥符五年

出宋史禮志

高宗以是日東宮誕育滿月大赦天下龍朔二年出舊唐書

宋真宗以是日聖祖降為先天節宋史亦出

文文山是日賜小錄五月賜狀元及第六月賜錢賜宴七修類稿

張蕃國王於公衙會諸蕃飲宴動蕃樂正月一日亦然通考

太上老君登太極朝元始道經

詩

高棟層軒已自涼
秋風此日灑衣裳
修然欲下陰山雪
不去非無漢署香
絕壁過雲開錦綉
踈枝隔水奏笙簧
看君宜着王喬履
貞賜還疑出尚方
宓子彈琴邑宰日
終軍棄繻英妙時
承家節操尚不泯
為政風流今在茲
可憐賓客盡傾蓋
何處老翁來賦詩
楚江巫峽半雲雨
清簟踈簾看奕碁

美題終明府水樓二首大曆元年七月一日夔州作

元傲胡牀酒半醒
釣筒收盡數舟橫
風生細葛無三伏
月上疎林正四更
北斗離離低欲盡
明河脉脉

脉去無聲升仙豈復塵
中戀便擬騎鯨返玉京

陸游字務觀號放翁坐舍北水亭七月一日作

涼颼呼不來
流汗方被體
稀星乍明滅
暗水光瀰瀰
香風過蓮芡
驚枕裂魴鯉
欠伸宿酒餘
起坐濯清泚
火雲勢方壯
未受月露洗
身微欲安適
坐待

東方啓東坡七月一日出城舟中苦熱

初秋尚苦暑
歸沐乃君恩
地閒少來客
日宴猶閉門
家乏念藜藿
開顏無一樽
况復辭貌拙
敢隨車馬奔
盥濯何所事
讀書坐前軒
豈堪當世用
空味

古人言頗喜市朝內獨無塵土喧終年但如此貞

竊太官餐曾鞏字子固七月一日休假作

文書稍去眼日夕進微涼高樓一徙倚清風為我

長漁父蔭深棧歸人度浮梁仰看河漢明俯視群

山蒼平生會心處於此故難忘舊聞水東勝巖巒

發天藏豈無一日暇勇往聊徜徉民庶未渠補况

敢懷樂康天邊雲物佳似復為雨祥秋成儻可期

歲晚或自強當從農家鼓一歷水雲鄉張栻字敬夫號南軒

七月一日晚登湘南樓作

二日

東漢桓帝元嘉二年是日日有食之在翼四度史

官不見廣陵以聞占曰翼主倡樂時上好樂過阮藉

樂論曰桓帝聞琴悽愴傷心倚展而悲慷慨長息曰善乎哉為琴若此一而足矣出通考

唐武宗會昌元年夜北方流星光明照地東北流

星有聲如雷天文志

宋徽宗是日詔神霄玉清府改營宮宇以迎神貺

更賴輔弼大臣同寅協力以太師魯國公蔡京少

傅太宰鄭居中少保少宰余深等並充神霄玉清

萬壽宮使知樞密院事鄧洵中書侍郎白時中宣

和殿大學士蔡攸等並兼充副使政和八年

許攸與陳康是日同死許攸夢烏衣吏奉漆案案

君當為北斗明年七月復夢有一案四封文書云

陳康為主簿覺後康至曰今來當謁攸聞而懼曰

予夢為北斗夢君為主簿明

年七月二日同死出幽明錄

三日

同昌公主生唐宣宗大中三年七月三日生至懿

宗九年薨謚曰文懿主郭淑妃所生

出齋唐書

東坡是日杭州到任謝表云江山故國所至如歸

父老遺民與臣相問云云即日謁文宣王廟祝文

曰昔自太史通守是邦今由禁林出使浙右宋哲

祐四年七月三日表有父老遺民云云者以東

坡去杭州十六年故有此語耳出長公外紀

唐太子少保薛稷雍州長史李晋等是日家破身

斬薛稷李晋等外飾忠鯁內藏諂媚因附太平公

三日家破身斬何異鷄鳩棲於葦荻

有霧歲熟望氣

詩

雲送關西雨風傳渭北秋孤燈然客夢寒杵擣鄉

愁灘上思嚴子山中憶許由蒼生今有望飛詔下

林仁

唐人岑參七月三日宿關西客舍寄東山嚴許二山人

今茲商用事餘熱亦已末衰年旅炎方生意從此
活亭午減汗流北隣耐人聒晚風爽烏匿筋力蘇
摧折閉目踰十旬大江不止渴退藏恨雨師健步
聞旱魃園蔬挹金石無以供採掇密雲雖聚散徂
暑終衰歇前聖脊焚巫武王親救暍陰陽相主客
時序遞回斡灑落唯清秋昏霾一空闊蕭蕭紫塞
鷹南向欲行列歛思紅顏日霜露凍堦闐胡馬挾

彫弓鳴弦不虛發長鉞逐狡兔突羽當滿月惆悵
白頭吟蕭條遊俠窟臨軒望山閣縹緲安可越高
人鍊丹砂未念將朽骨少壯跡頗踈歡樂曾倏忽
杖藜風塵際老醜難翦拂吾子得神仙本是池中
物賤夫美一睡煩促嬰詞筆

杜子美七月三日亭午已後校熱退晚加

小涼穩睡作詩因論壯年樂事戲呈元二十曹長

四日

宋太宗封神為顯聖王

顯聖王廟在寧州真寧縣即要用秋也唐乾符中封

神為應聖王光化二年封普濟王宋朝太宗在晉邸有神告之應太平興國二年七月四日封顯聖

王出紀原

董陵編宋徽宗御集手詔二冊進賜帛

高宗紹興十六年七月

月四日進宋史

宋文文山以是日拜黃甲敘同年

七月一日賜小錄四日敘同年

出七修類稿

邵雍字堯夫是日大書詩一章曰生于太平世死

于太平世客問年幾何六十有七歲俯仰天地間

浩然獨無愧以是夜五更捐館

雍河南人舉遺逸試將作主簿後又

刻屬冬不爐夏不扇夜不就席者數年衛人賢之

雍嘆曰昔人尚友千古而吾未嘗及四方遽可已乎於是走吳適楚過齊魯客梁晉久之而歸曰道

在是矣蓋始有定居之意至熙寧十年有疾張載喜論命來問疾因曰先生論命則已知之矣世俗所謂命則不知也載曰若

天命則已知之矣世俗所謂命則不知也載曰若生知天命矣載尚何言程頤曰先生至此他人無以為力願自居正張雍曰平生學道豈不知此然亦

無可主張時居正寢諸公議後事於外有欲葬近洛城者先生已先知伊川先瑩耳七月四日五更卒

地葬我不可當從伊川先瑩耳七月四日五更卒出史纂雍七月十四卒

高集雍七月十四卒

丘處機謂門人曰吾歸無遺恨

水入東湖曰吾與之俱矣七月四日謂門人曰昔丹陽嘗授記與予云吾沒之後教門大與四方化

為道鄉道院皆敕賜名額又當住持大宮觀仍有使者佩符乘傳幹教門事此乃功成名遂歸休之

使

日也丹陽之言一一皆
驗音歸無恨矣出左編

五日

宋寧宗即位

紹聖五年七月五日

宋神宗崩是日請謚於南郊

元豐八年宋史禮志

宋太宗以吳鉉入史館校定字書

兵國八年吳鉉獻重定切韻七

入史館出會要

李綱自右僕射陞左僕射黃潛善從門下侍郎為

右僕射

宋高宗建炎元年是月綱即出提舉洞霄宮出宋學士集

宋朝雲卒于惠州

朝雲以七月五日卒葬于西禪寺東坡銘其墓朝雲始不識字

晚忽學書嘗從泗堂比丘尼義冲學佛卒之日誦金剛經四句偈而絕東坡又作詩輓之中有駐景

恨無千歲藥贈行惟有小乘禪之句出東坡集

三會日宜修迎秋齋

法天生意

詩

避謗詩尋醫畏病酒入務蕭條北窓下長日誰與

度今年苦炎熱草木困薰煮况我早衰人幽居氣

如縷秋來有佳興秫稻已含露還復此微吟往和

槽牀注

酒入務謂絕酒不飲也杜詩賴知禾黍秋已覺槽牀注

何處覓新秋蕭然北臺上秋來未云幾風日已清

亮雲間聳孤翠林表浮遠漲新棗漸堪剥晚瓜猶

可餉西風送落日萬竅含凄悵念當急行樂白髮

不汝放 以上二首東坡七月五日作

六日

是日雨謂之洗車雨 歲時雜記

唐穆宗詔曰七月六日是朕載誕之辰其日百寮

命婦宜於光順門進名參賀朕於門內與百寮相

見先是左丞韋綬奏行之宰臣以為古無降誕受

賀之禮奏罷之次年是日復行賀禮 出洪邁隨筆

宋元徽五年是夜少帝微行至領軍府帝左右人

曰一府皆眠何不緣牆入 出南史

宋太祖詔皇帝尹宰相樞密使翰林學士中書舍

人泛舟後苑新池張樂宴飲極懽而罷 乾德三年宋史禮志

唐高祖詔用象笏竹木笏 唐會要曰笏周制也周禮諸侯笏大夫象鬚士

以竹晉宋以來謂之手板西魏以後五品以上通用象牙高祖武德四年七月六日詔五品以上象

笏六品以下竹木 宰臣司馬光請設十科以取士 哲宗元祐元年七月

設十科一曰行義純固可為師表二曰節操方正

可備獻納三日智勇過人可備將帥四曰公正聰

明可備監司五日經術精通可備讀講六曰學問該博可備顧問七日文章典麗可備著述八曰善聽訟獄盡公待實九曰善治財賦公私俱便十日練習法令能斷請讞於十科內率三公人宋史曰

太平興國年習俗以是日為嘉辰宋太宗詔七夕

今習俗多用六日非舊制也宜復用七日且名為七夕而用六不知自何時以然唐時無此說必出於五代耳出

容齋三筆

京師人家左廂以是日乞巧右廂七日

陶弘景仙化門徒欲厚之忽然重起曰道士絕與

俗殊胡為哀哭厚葬但建修齋功此乃合太古淳

真之法也言訖而化陶弘景魏郡平陽人自號華陽隱居平生嘗畫眠看書必

至夜半喜聞風之聲七月六日仙化太平經七

詩

縹緲爐煙上帝閭朝來一洗早如焚壠頭無復成

龜兆水面初看起敎紋免使夏畦炊白玉未妨秋

稼刈黃雲使君憫雨心猶在化得邦人不如葦曾

山江南大旱七月六日臨川得雨奉呈仲高侍御

七月六日苦炎熱對食暫食還不能每從夜中自

足竭况乃秋後轉多蠅束帶發狂欲大叫簿書何

急來相仍南望青松架短壑安得赤脚踏層冰杜工

七日

天河之西有星煌煌與參俱出謂之牽牛天河之東有星微微在氏之下謂之織女世謂雙星焦林大斗

記

河鼓謂之牽牛爾雅

烏鵲填河而渡織女淮南子

是日雨曰灑淚雨歲時記

漢武帝生於猗蘭殿景帝坐崇赤龍盤涼同使王夫人居之

改崇芳閣為猗蘭殿得幸有娠夢曰入懷景帝亦夢高祖謂已曰王夫人得子可名為彘及生男因名焉是為武帝出冥冥記

後魏武帝生於參合陂北太祖道武皇帝之嫡孫獻明帝

之子也母曰獻明賀皇后初因遷徙游於雲夢寢夢日出室內寤而見光自牖屬天歛然有感以建國三十四年七月七日生帝其夜復有光明昭成大悅群臣稱慶出北史

竇后少小頭禿不為家人所齒人皆看織女獨不

許后出乃有神光照室為后之瑞後漢書

玄宗與貴妃避暑驪山宮夜半凭肩相誓願世世

為夫婦天寶遺事

戚夫人侍兒賈佩蘭云在宮時見戚夫人侍高祖至七月七日臨百子池作于闐樂畢以五色縷相

羈謂為連愛

西京雜記

玄宗與妃子每至七夕夜在華清宮宴時宮女各以蜘蛛內之小金盒中至曉開視以為得巧之多

少民間效焉

開元遺事

天寶宮中七夕玄宗以錦綵結成樓殿高百尺可容數人陳花果酒炙設坐具以祀牛女二星嬪妃各執九孔針五色線向月穿之過者為得巧動清

商之曲宴樂達旦士民效之

唐書

漢武帝登尋真之臺齋戒至七夕夜忽見天西南如白雲起直來趣宮須臾聞雲中蕭鼓之聲西王母至乘紫雲之輦臨發雲氣勃鬱盡為香氣

漢武帝掃除宮內張雲錦之帷燃九薇之燈至二更西王母駕九色之斑龍上殿

以上武帝內傳

漢武帝七夕於承華殿有鳥從西方來集殿前問東方朔朔曰此西王母欲來有頃王母至有二青鳥夾侍王母旁

武帝故事

西王母七夕降漢武帝闕庭東方朔於朱雀牕中
窺王母時王母以桃七枚獻帝帝欲留核種之王
母笑曰此桃千年生花千年結實指方朔曰此兒

三偷桃矣

漢書內傳

七夕西王母為帝設玉門之棗

天中記

武陽城有仙道者謂其弟曰織女當渡河諸仙悉
還宮弟問曰何事渡河答曰織女暫詣牽牛世人
至今謂織女嫁牽牛

續齊諧記

王子喬見桓良曰告我家七月七日待我於緜氏
山頭至時果乘白鶴於山頭望之不得舉手謝時
人而去

陶安公者六安鑄冶師也一朝火散上紫色衝天
安公伏冶下求哀須臾朱雀止冶下曰安公安公
治與天通七月七日迎汝以赤龍至時安公騎赤
龍東南去

吳蔡經去家時已老及還更少壯鬚髮皆黑語家
中曰七月七日王方平當來可作數百斛飲待之
至日方平果來乘羽車駕五龍聞金鼓蕭管人馬

之聲

以上列仙傳

周靈王太子晉七月七日乘白鶴駐山巔謝時人

而去後世稱太子之駕曰鶴駕禁曰鶴禁山堂肆考

洞賓書詩于紙

元豐中呂惠卿守單州天慶觀七月七日有異人過焉書詩于紙一

曰四海孤游一野人兩壺霜雪足精神坎離二物君收得龍帟丹行運水銀一日野人本是天台客

石橋南畔有舊宅父子生來有兩口多好生歌不

好拍惠卿婿余中解之曰後篇第一句賓字也第

二句石橋者洞也第三句兩口者呂也第

四句者吟也吟此詩者其洞賓乎出道書

唐開元中有李氏為尼號曰真如天寶七年七月

七日忽見五色雲墜地一囊中有五物乃寶玉也

至肅宗元年真如為神人召往化城見帝授以八

寶俾獻於朝真如乃並前五物皆獻之唐寶記

太原郭翰少有清標乘月臥庭中視空中有人冉

冉而下乃一少女明艷絕代曰吾天之織女也上

帝命遊人間願乞神契乃升堂同枕至曉辭去後

夜復來翰戲之曰牽牛郎何在乃敢獨行對曰陰

陽變化關渠何事至七夕忽不來數夜方至翰問

曰相見樂乎笑曰天上那比人間問曰此來何遲

曰人中五日彼一夕耳忽一夜悽愴流涕曰帝命

有期便當永訣以七寶枕留別而去

墨莊兄錄

郭子儀至銀州七夕見左右皆赤光仰視天上駟

車繡幄中有美女自天而下子儀祝曰必是織女

降臨願賜長壽富貴後立功貴盛年九十餘薨

子儀傳

有女子尚幼七夕見家人出庭望候天門開獨在

室中不出曰若合當見者雖暗室中亦應見之至

夜深忽見天上門開雲氣亦奕因求富及長嫁而

富就寡家累鉅萬有賈客貨其絹百疋去而船覆

溺絹皆沒其女子偶開後房見絹在其中但濕耳

賈客歸女子曰絹歸矣驗之而信

雜異書亦出夷堅錄

僧宗本題邑治之壁曰東燒西燒日月七七後數

日江西盜李仁入境焚其邑七月七日也

紹興二年五行

志

師曠所鑄鏡背有二十六字科蚪書曰維晉新公

二年七月七日午時於首陽山前白龍潭鑄成此

鏡千年後出於背上環書一字管天文一宿依方

列之則左有日右有月龜龍虎雀各依方安焉於

鼻下題曰夷則之鏡天寶陳仲躬得之井中後仲躬交戰累勝為大官白孔六

李貞居長安延壽里忽聞室之西南有歌其音清

越誌其歌詞白色分藍葉清聲比磬中鳴七月七

日吾當示汝之形後兩甚潰其堂之北垣又聞其聲果前聞者貞驚視之於垣下

得一缶徑尺餘製用金成形狀奇古有文視不可見叩之其韻極長即命滌去塵藓歷然可讀字若

小篆乃崔子玉座右銘白孔六帖

唐德宗斬偽官喬林將臨刑書曰林以七月七日

生亦以七月七日死豈非命也國史補

陸士龍云魏武帝劉婕妤以七月七日折琉璃筆

管此其時也天中記

太液池西有漢武帝曝衣樓是日宮女出后衣曝

之漢書內傳

俗以是日曝衣諸阮庭中爛然綈錦籍兄子咸時

總角乃豎長竿標大布犢鼻褌於庭中曰未能免

俗聊爾耳竹林七賢傳

郝隆曝腹於庭中人問之曰我曝腹中書六帖

曬曝革裘無虫韋氏月錄

盧照隣是日綿州泛舟其詩序曰諸公迹寓市朝
心游江海訪竒交於千里惜良辰於寸陰常恐辜
負琴書荒涼山水於是脫屣人事鳴棹川隅言追
挂犢之才用卜牽牛之賞邊生經笥送炎氣以濯
纓郝氏書囊臨秋光而曝背似遇維山之客還疑
星漢之遊云云載蜀志

晉潘尼字正叔是日侍皇太子宴玄圃園作詩商
風初授辰火微流朱明送夏少昊迎秋云云潘尼

其從父也東宮之比
曰玄圃園山堂肆考

俗以蠟作嬰兒浮水中以為戲為婦人生子之祥

謂之化生唐人詩曰水拍銀盤弄化生歲時紀事

中尚署進七孔金鈿針百官志

漢綵女穿針於開襟樓西京雜記

齊武帝起層城觀宮人多登之穿針謂之穿針樓

輿地志

織染署祭杼唐百官志

膳部有節日食料唐六典注謂七月七日所餅

洛陽人家乞巧造明星酒裝同心繒金門歲節記

京師舊俗以菘豆小豆小麥貯磁器內以水浸之
生芽數寸以紅藍絲縷束之謂之種生於街心綵

幙張設貨賣山堂肆考

取小赤豆男吞一七女吞二七畢歲無病

取烏鷄血和三月三日桃花末塗面及便身二三

日肌白如玉此太平公主法以上韋氏月錄

七日為慶生中會地官三宮九府四十二曹同會

天水二官六宮十八府七十八曹同考罪福道經亦出

山堂肆考

詩

豈意靈仙隅相忘亦彌年夕衣清露濕晨駕秋風

前韋應物七夕詩

仙車駐七襄鳳駕出天潢月映九微火風吹百和

香何遜九微燈名

耿耿曉河微神仙此會稀今年七月閏應得兩回

歸王灣閏七月七日

亭亭新粧立龍駕具層空世人亦為爾祈請走兒

童牽牛詩

白沙
卷七
聞道尋源使從天北路回牽牛去幾許宛馬至今來

牽牛出河西織女處其東萬古一相望七夕誰見

同

杜以上詩

年年七夕渡瑤軒誰道秋期有淚痕自是人間一

周歲何妨天上只黃昏

崔塗

今日雲駢渡鵲橋應非脉脉與迢迢家人競喜開

粧鏡月下穿針拜九霄

權德輿

月帳星河次第開兩情惟恐曙光催世人不用穿

針待沒得心情送巧來

羅隱

玉殿凭肩共語時風清月墜有誰知梧桐秋雨三

山遠始信生前有別離

靈疋三秋會仙期七夕過槎來人泛海橋渡鵲填

河帝綏昇銀閣天機罷玉梭誰言七襄詠重入五

絃歌

李嶠奉和七夕兩儀殿會宴應制

白露含明月青雲斷絳河天街七襄轉閣道二神

過袷服鏘環佩香筵拂綺羅年年今夜盡機杼別

情多

杜審言

移家避寇逐行舟厭見南徐江水流吳地征徃非
舊日秣陵凋敝不宜秋千家閉戶無砧杵七夕何
人望斗牛祇有同時驄馬客偏題尺牘問窮愁

李嘉

祐七夕京口孤泊章侍御寄書相問因以贈之

秋動清風扇火移炎氣歇廣簷含夜陰高軒通夕
月安步巡芳林傾望極雲闕組幕縈漢陳龍駕凌
霄發沉情未申寫飛光已飄忽相對眇難期今歡
自茲沒

劉鐸

素秋二七天漢指隅日暮宴罷車騎就衢蓋如飛

鶴馬如游魚

劉禎

八日

宋真宗曰朕行有三一監前代成敗二進善人三

斥群小欲史氏不能書吾惡

景德十六年玉海

宋度宗崩

度宗七月八日崩時選舉殿試之期竟不畢試嗣君即位出宋史

吳王李煜太平興國三年是日薨皇上撫几興悼

贈太師追封吳王

皇上輟朝三日出李煜墓志銘

王居安少時劉孝韋是日過其家塾見居安異凡
兒使賦七夕詩援筆成之有思致孝韋驚拊其背

日子異日名位過我

居安少讀孝經有從旁指曰

耳宋孝宗淳熙十四年舉進士授徽州推官後居

安以書生於兵事不學而能有論居安者曰掃除

群邪以匡王國其志壯哉居安

字資道黃巖人出宋史列傳

詔再修士雄記錢塘沈振蓄一琴名冰清腹有音

清韻高月苦風勁巢餘神爽泛絕機靜雪夜鼓水

霜天擊磬陰陽潛感石戒前鏡人其審之豈獨知

政大曆三年三月三日

上底蜀郡奉詔書貞元十

道號篆法類義山不知

士雄何人也出國史補

桂陽城武丁有仙道是日失武所在

武丁忽謂其

夕織女渡河諸仙悉還宮吾向已被台不得停與

爾別矣弟問織女何事兄何日當還答曰織女暫

諸牽牛吾去後三千年當還耳

商人李環戴政俱沉於江

王植新贛人也與朱壽

乘舟過袁江時日暮遠

眺謂壽曰此是楚昭王獲萍實之處仲尼言童謠

之應也壽曰識者以童謠為偶然而聖人必知之

言訖見岸上青衣又謂壽曰仲尼不語怪力亂神何

日自贛至青衣又謂壽曰怪神乎壽曰吾信之青

也壽曰夫子聖人也

曰善又曰子信怪神乎壽曰吾信之青

鬼神又非人類又謂植曰明日有李環戴政俱是

商人以利剥民上帝惡之欲沉於江植壽異之乃

牽舟上流遇一賈舟問以姓名如其言壽謂植曰

上帝惡不善事已定矣時晉恭帝元熙元年七月

八日也二商一時俱沉弱譚者謂此處有青蛟往

九日

晉祖遣中使謂侯益曰朕思卿前年七月九日大

立戰功故復以七月九日徙卿鎮彭門領相印賜

門戟侯益汾州平遙人祖父以農為業晉祖召益謂曰宗社危若綴旒卿能為朕死耶益曰願

倭銳卒五千破賊必矣後益率兵數千人次

虎牢從賓軍萬餘人夾汜水而陣七月九日大敗

其眾擊殺殆盡晉祖追念虎牢之功乃遣中使云云出宋史列傳

司業李元瓘是日言禮記文少人皆競讀周禮儀

禮公穀四經殆絕請習四經者許其入策選舉唐宗開元八年王

宋庠上紀年通譜宋仁宗慶曆六年七月九日庠雜說凡正偽年號成一書

金陵杜元卒杜元苦學有材氣能為詩元至元中張文穆公欲以茂才異等薦杜元不

就事二親嘖嘖有聲及兵亂士卒相戒不忍犯馬元至正年卒字一元出宋學士集

丘處機登寶玄堂留頌曰生死朝昏事一般幻泡

出沒水長閒微光見處跳烏兔玄量閑時納海山

揮斥八紘如咫尺吹噓萬有似機關狂辭落筆成

塵垢寄在時人妄聽間書畢而逝處機字通密號

雨大作人報云太液之南岸崩裂水入東湖聲聞數十里鼃鼉魚鱉盡去池遂枯涸北口山亦摧師

初無言良久笑曰山摧地枯吾將與之俱
手九日登寶玄堂留頌而逝出史纂左編

詩

人間秋光七月九萬里新涼到槐柳

事文類聚

十日

劉玄德是日致書於馬超曰令尊翁忠義聞於四海今被操之所害為子之道安忍坐視若能率西涼之兵以敵曹之勢備當舉荆襄之眾則逆曹可擒姦黨可滅讐辱可報漢室可興建安十六年七月十日出三國志

宋真宗幸魏咸信第視疾

天禧元年

獨孤君葬

獨孤君諱申叔字子重年二十二舉進士又二年用博學宏詞為校書郎又三年居父喪未練而沒蓋貞元十八年四月五日也

行開元通寶錢

開元通寶錢綬工有文如初月者譚賓錄曰武德初行開元通寶錢

初進樣日文德皇后拍一甲因不復改唐要曰武德四年七月十日行開元通寶錢

漢武帝是日掃除宮掖設座大殿以紫羅薦地燔

百和香燃九微燈以待王母

出山堂肆考據武帝內傳事在七日

十一日

真宗詔近臣及寇準及馮拯觀內苑穀遂宴於玉

宸殿 景德四年 宋史禮志

鄭承規因碧落碑字之難辨楷書之 絳州興龍宮 有碧落石像

皆刻其篆文世傳為碧落碑洛中紀異乃云有二

道士閉戶三日不聞人聲而破戶惟見二白

鵠飛去刻篆宛然學古編辨為李陽冰之書蓋唐

人能篆者無出陽冰之右讀其字難識鄭承規於

咸通十一年七月十一日因其字

之難辨復楷書焉出七修類稿

印肅禪師沐浴書偈於方丈之西壁云乍雨乍晴

寶像明東西南北亂雲深失珠無限人遭劫勿應

權機為汝清書畢跏趺而逝 師未生時隣夜有望

近相愕已而蓮生道周或現阡陌衆愈異之及師

生五相豐潤即善世言至乾道五年七月十一日

庵出楚通志

玉帝遣使降石壇上以符一道撫如藥丸使女仙

謝自然服之 貞元十年 集仙錄

詩

行看野氣來方勇臥聽秋聲落竟慳浙瀝未生羅
豆水蒼忙空失皖公山火耕又見無遺種肉食何
妨有厚顏巫祝萬端曾不救只疑天賜雨工間 荆王
公舒州七月十一日雨
介蟲之長寔曰靈龜明陰陽以應化察利害以俟

時於穆我皇德無不被春國洋溢神物來萃雖五
靈其必臻懿雙龜以時瑞陋眾水而不處選天池

以自寄金甲炫晃帶璧日以流光綠毛丰茸度薰
風而含吹不啞喋於蘋藻恣東西於荷芰云云

月十一日龜雄雌各一游於內池
甲蠟金毛帝出示百官周存作賦

十二日

永元元年大風京師十圍樹及官府居民屋皆拔

倒南齊書

唐玄宗是日次普安郡與房瑄語甚悅即日以瑄

拜為吏部尚書同中書門下平章事

天寶十五
載玉海

吳直方薨

字行可生於宋恭宗德祐已亥年以集
賢大學士致仕讀書不屑屑章句於魯

論言忠信及事君致身語尤有深契生平不信堪
輿遺言隨地而葬又以無大功業不必乞銘於人
乃自序歷官世第而系之以辭曰余生雖艱非有
所覲漫游京華旅食三紀際時休明偶膺祿仕位
躋極品恩封三世儒者之榮於斯為至報上一誠
如水東注樹碑自銘以詔來裔人為實錄云至

正年七月十二
卒宋學士集

老君乘白輿駕青牛至函關關吏入白訝喜曰今

我得見聖人矣即具朝服出迎跪伏叩頭邀之曰

願夫人暫留神駕老君謝曰吾貧賤老弱居在關

東田在關西今暫往取薪何故見留喜復稽首曰
夫人豈是取薪久知大聖人當來西游願少憇神

駕史纂
左編

劉處玄生是夜有紫氣二道從大基山橫貫其家

處玄母王氏夜夢白衣翁呼出西南指之有玉樹
四枝枝各有一金葉令取其一日他日必生異人
意將取之其葉自墜於手視之則金蟬飛起而復
投於口中遂有娠明年七月十二日生後得道羽

化元至元六年贈長生輔
化明德真人出史纂左編

岳神上天曰

趙即李湜以開元中謁華岳廟遇三
夫人邀入寶帳中三夫人迭與結懽
懽罷而別謂湜曰每年七月十二日岳神上天此
後至期而相迎勿辭今日相見亦是其時故得盡懽

耳明年七月十二日湜復遇三夫人敘離異則湜
出論新懽則情洽又盟以後會之期自是湜形体
日瘦見一術者曰君有邪氣為書一符邪不得近
後三夫人罵曰酷無行何以帶符為非獨損我亦
當損君如其
言出廣異記

詩

桂含爽氣三秋首
冀吐中旬三葉新
正是澄江如

練處玄暉應喜見詩人
李商隱七月十二日
夜寄池州李使君

十三日

唐肅宗即皇帝位

玄宗幸蜀有詔以肅宗嗣皇帝
位肅宗奉詔歔哀不自勝至

七月十三日即
皇帝位出考異

唐德宗駕還長安

德宗興元元年七月十三日還長安使孔巢父詔赦李懷光懷

光素服待罪懷光左右多胡人皆曰太尉懷光無官矣巢父又宣言於眾曰軍中誰可代太尉領軍

者於是懷光左右發怒誼諫詔未畢眾殺巢父出邠志

吐蕃不意唐兵猝至大驚

高仙芝為行營節度使將萬騎討吐蕃以七月

十三日會連雲堡下吐蕃不意唐兵猝至大驚依山拒戰礮槓如雨出左編

東坡是日疾少間曰今日喜近筆硯

建中靖國元年東坡是年

六月自儀真避疾渡江曰吾與子由不復見而訣甚痛至七月十三日疾少間曰今日喜近筆硯試

為錢濟明戲書數紙遂書惠州江月五詩是月終年六十六出長公外紀

晉趙泰為祖父二弟延請僧眾大設福會

趙泰字文和舉

孝廉不就忽卒泰見城邑崔率與男女數千人並進見獄中祖父及二弟號泣主者開藤篋檢年紀

尚有餘美乃遣泰還泰復生乃為祖父二弟設福會時晉太始五年七月十三日也出冥祥記

王真人昇仙

王靈輿翰墨大全

詩

夜夢嬉遊童子如父師檢責驚走書計功當畢春

秋餘今乃始及栢莊初怛然悸寤心不舒起坐有

如挂鈎魚我生紛絲嬰百緣氣固多習獨此偏棄

書事君四十年仕不願留書繞纏自視汝與丘孰

賢易韋三絕丘猶然如我當以犀革編

東坡在脩耳七月十

三日夜夢後作東坡以嘉祐二年中第至紹聖四年
年貶儋耳時年四十走字當如前漢書音奏蓋趨
之義也退之詩有如
魚桂鈎習氣字出佛書

十四日

廣州地震有聲慶曆四年七月

宋仁宗以是日作鎮國神寶先是帝謂大臣曰奉

宸庫有良玉廣尺而厚半之希世之珍也皇祐五年

宋神宗是日詔自安南用兵獻議討賊者以百數

其言水陸進師之道徃徃不同未知孰得宜命檢

詳官王伯虎梁燾編類衆說成書各繪圖附見以

備他日之用元豐元年

秋襟注上巳袂除也然有春襖秋襖論語浴乎沂

也劉禎魯都賦曰素秋二七天漢指隅人胥袂襖

寇萊公生詩曰向時生上相明日是中元類事聚

元君與侍女群真二十七人降於薛玄同之室玄

同迎拜於門元君憇坐良久示以黃庭存修之旨

賜丹一粒使八年後吞之當遣玉女飈車迎汝於

嵩嶽言訖散去薛氏者河中少戶馮微妻也自號

庭經二三遍忽有青衣玉女二人降其室光如月

文籍命諸真仙於六合內有志道者拔之唐懿宗咸通十五年七月十四日元君降玄同室與丹一粒許遣王女颺車相迎及黃巢犯關馮微與玄同官吏若迎侯狀舟人見而驚之玄同曰無懼即移舟就之官吏皆拜後玄同沐浴飼所賜之丹稱疾而去開棺惟有空衣而已集仙錄

詩

不復微雲滓太清浩然風露歆三更開簾一寄平

生快萬頃空江着月明 陸游七月十四夜月

高閣在清禁長軒憑廣虛御帷闕圖象依然臨幸餘翠甃布天路黃簾分直廬一雨清景早稍涼秋

興初解帶就石坐臨林窺素書山海所錯出飛潛類紛如此語果虛實遺編空卷舒自笑正豕亥更微注虫魚君材合遠用就此固已疎如我乃斯幸地間容誤居竹影散良席花香浮廣裾俯仰自足適歸時更當徐 曾鞏字子固號南豐七月十四日韓持國直廬同觀山海經作

十五日

七月中氣日在張 六帖

日月會於鶉尾而斗建申之辰招搖指申 出淮南子載纂

記淵

日涉錄 卷七
七月中元乃大慶之月

修行記

壬戌之秋七月既望蘇子與客泛舟遊於赤壁之

下

東坡賦

孟秋之望

十五也六日帖

中元節京城張燈

開寶四年天中記

元日非供祠不採魚

唐史百官志

明皇在便殿甚思姚元崇是日苦雨不止泥濘盈

尺上令侍制者擡步輦召學士時元崇為翰長中

外榮之自古急賢待士未有如此

白孔六帖

金承遼俗於是日行拜天禮畢則射柳於毬場

軍中

以端午日走馬為躡柳躡音札宋徽宗政和四年九月九日亦

然出山堂肆考

石國是日以王父母燒餘之骨金甕盛之置於牀

上巡繞而行散以香花雜果王率臣下設祭焉禮

終王與夫人出就別帳臣下以次列坐而饗宴

正月

六日亦然石國隋時與中國通居於藥殺水都柘折城方千餘里本漢大宛北鄙之地出四裔考

中尚署七月十五日進孟蘭盆

唐六典

宮中是日造孟蘭盆綴飾鏤珮設高祖以下七聖

位幡節衣冠皆具各以帝號識其幡

王緡傳

目連以母生餓鬼中佛令作孟蘭盆是日以百味

五果盆中供養十方大德而母得食後世因之席

為華飾

白孔六帖

中元之日地官校勾搜選人間分別善惡諸大聖

衆普詣宮中簡定劫數人鬼傳錄餓鬼囚徒一時

皆集以其日作玄都大醮玉京山採諸花果珍奇

異物幢幡寶蓋清膳飲食獻諸聖衆道士於其日

夜講誦是經十方大聖齊詠靈篇囚徒餓鬼俱飽

滿免於衆苦得還人中

道經

大上老君同元始天尊會集福世界

道藏經亦出山堂肆考

邊洞玄女仙上昇

事文類聚

清虛真人是夜與許玉斧言曰五公石腴急宜服

之可以延年真誥

蘇耽真人

蘇耽文帝朝桂陽郡人也母潘氏嘗於江邊澣水有五色苔浮於水颺而

去復來繞足者三乃取吞之既而有孕誕真人時

惠帝五年七月十五日人異之致之居後牛

脾山石洞中七日往視則有白鶴覆之白鹿乳焉

貫真遂名姓蘇名耽事母以孝聞耽每持一竹杖

頃之紫氣氤氳有十鶴集其庭與耽語款密如故
出門群鶴隨之迤邐升天而異香天樂彌日不散
二月二十八日五月十日
五亦載柳陽仙傳

道通禪師無疾而終道通禪師唐州紫玉山僧詣

師亦隨之祖將歸寂謂師曰夫王石潤山秀麗益

汝道業遇可居之師不曉其言是秋游洛回至唐

州西見一山四面懸絕峯巒秀異因詢鄉人曰紫

玉山師乃陟山頂見石方正瑩然紫色莫曰以此其

紫玉也先師之言懸記耳遂剪茅構屋而居焉後

學徒四集有問如何出得三界去師曰汝在裏許

得多少時也曰如何出離師曰青山不礙白雲

飛元和八年七月十五日無疾而終出楚通志

河中鳳林關有靈岩寺每是日溪穴流聖柰出大

如蓋洽聞

王勣是日匣中寶鏡悲鳴其聲織遠俄而漸大若

龍吟虎吼良久乃定勣開匣視之即失鏡矣大業十三年勣先夢寶鏡語曰我素蒙鄉兄厚待今當去人

元和中外侍劉希昂是日忽見一白衣女人獨行

曰家遠暫借後院希昂許之入院不見惟有一火

柴頭在厠門前舉家相謂曰此火災也希昂有家

忽聞厠中云即來且從容家八驚報希昂希昂自

往聽之又云即出來即出來何不出來忽有一小

人長尺餘一家驚走至七月十五日忽有一白衣

女人借後院希昂許之頃有火柴頭在厠希昂覓

四十五

術士鎮壓之當鎮壓時火從厨發
至冬希昂忤憲宗族誅出博異志

詩

偶來人世值中元不獻玄都永日閒寂寂焚香在

仙觀知師遙禮玉京山

令狐楚中元日贈張尊師

燈前飛入玉階虫未臥先聞半夜鍾看即中元齋

日到白盤金線綉真容

王建宮詞

宮濠水落兩三痕正是秋初雨後天菱荇中間開

一洛曉來誰過採菱船

楊廷秀七月十五觀菱濠

野迥雲歸盡山高月上遲暗螢依露草驚鵲遠風

枝素影隨波遠新涼與酒宜中秋更有味試為卜

歸期

宋人曾極字景建七月十五日夜題仁寺東軒對月

邪氣奔屯瑞氣移清平過盡到艱危縱饒犬彘迷

常理不奈豺狼幸以時九廟有靈思李令三川悲

憶恨張儀不憐一曲還京樂重對紅蕉教蜀兒

羅隱

中元甲子以辛丑駕奉蜀作載蜀志

玄都開秘籙白石禮先生上界秋光淨中元夜景

清星辰朝帝處鸞鶴步虛聲玉樹花難老珠宮月

最明掃壇天地肅投簡鬼神驚儻賜刀圭藥還留

不死名

殷堯藩中元看
諸道士步虛

妙道本非說殊途或異名聖人得其要俱以化群

生鳳吹從上苑龍宮連直城花鬢列廣殿雲蓋駐

前庭松竹含新韻軒窓有餘清緬懷崆峒事須斷

管絃聲離相境都寂忘言理受精域中信稱大天

下乃為輕屈已由濟物堯心豈所榮

崔元翰七月
十五日奉和

聖製題
章故寺

徂暑尚繁鬱大火空西流茲辰喜佳節涼雨忽驚

秋晚晚蘭徑滋蕭前庭樹幽炎氣一吹去恢台逝

不留刀筆隨事屏塵囂與心休端居諷道言焚香

味真誦子亦玩文史及此同優游

朱公文七月十
五雨中呈子晉

十六日

唐高祖詔五品以上執象笏六品以下執竹木笏

武德四年
玉海

宋哲宗即位詔以太皇太后是日生為坤成節

謝靈運出為永嘉守是日之郡

高祖永初三年五
月崩少帝即位出

靈運守永嘉少帝猶未改元故云永初靈運七月
十六日之郡初發都作詩一首詩曰述職期闌暑

理棹變金素秋岸澄夕陰火旻圍朝露辛苦誰為
情游子值顏暮愛似莊念昔久敬曾存故如何懷

土心持此謝遠度李牧愧長袖卻克慙躡步良將
不見遺醜狀不成惡曰余亦支離依方早有慕生
幸休明世親蒙英達顧空班趙氏壁後垂魏王瓠
後來漸二紀始得傍歸路將窮山海迹永絕賞心

晤出
文選

張元崇昇仙傳列仙

齊董清建復生 清建父賢明建元初為越騎校尉
母宋氏初孕時夢人語曰必生男

躰上當有青誌可名青兒及生遂以名焉稍長有
容止美言見者異之年十四為水曹三軍忽疾將
卒謂母曰不須憂念乃大哭聲盡而絕母欲殯齋
前七月十六日夜復生云勿安齋前自有道人迎
喪者果有道人來名曇順母以其語語之曇順曰
貧道居南林寺造丈八像垂成賢子有此感應寺
有空地可永藏也遂葬于寺後母過墓夜見清建
如生曰願母割愛何必至此每於空中聞清建聲

出法苑
珠林苑

詩

洞庭葉下涼颼颼凍天頑白凝不流圓月擬缺不

忍缺輕露欲浮終未浮憶次朱籟鳳駟上更採紫

芝雲嶠陬玉樓天畔幾千尺珠樹玲瓏懸上頭

狄遵度七月十六日
夜書事

十七日

金樓子曰吾筮十七日當得雨遇坎之比又曰坎
者水也其在今夜三更乎地上有水稱之為比其

夜果有甘雨金樓子七月至荆州亢陽日久月旦

赤蓋早之極也七月十七日

徐文質卒文質字處中宋人也天聖八年七月十

繼母彌盡其力

張政復生唐開元三年張政暴卒初見四人來投

使者變色忽逢一僧長八尺餘曰張政是其本宗

弟子命數未盡頃之見前四尺餘曰張政是其本宗

十八日

玄宗次已西郡太守崔渙奉迎即日以渙為門下

侍郎同中書門下平章事以韋見素為左相天寶十五

載

宋神宗詔中書門下考察內外官置簿記功過歲

終升黜之熙寧三年

韋處元真人成仙

太真西王母誕日以上翰

詩

中元過後恰三朝因是庭闈喜氣飄李謫若非當

此夕申生應是在今宵類事文

十九日

唐僖宗即位

僖宗咸通三年五月八日生于東內十四年十九日即位時年十二出續

寶運錄

劉黑闥稱王改元

唐高祖武德四年漳南諸將往詣之告以其謀黑闥欣然從之

黑闥方種蔬即殺耕牛與之共飲食定計聚衆得百人七月十九日稱王改元由實錄

宋韓琦祖母卒

祖母崔氏棣州司馬魯之長女終于天復二年七月十九日年八十

有三出五代祖塋記

警玄禪僧示寂

警玄年至八十嘆無可以繼者遂作偈并皮履布直裰寄浮山遠禪

師使為求法器偈曰楊廣山頭草憑君待價焯異苗翻茂處深密固靈根偈尾云得法者潛衆十年

方可開揚... 而受之遂贊師像曰黑狗爛銀蹄白象崑崙... 斯二無礙木馬火中嘶宋仁宗天

聖五年七月十日九日師陞座辭衆示寂塔於大陽山出楚通志

歧真人昇仙曰

歧平定列仙傳

聖母化生日

書出佛

二十日

唐高祖武德六年雋州山崩水咽流

五行志

唐太宗廢明德宮及飛仙宮之園院以分給遭水

之家

貞觀十一年玉海

宋哲宗靈駕發引

元符三年正月哲宗崩徽宗即位至七月二十日靈駕發引宋

史禮志

盤盤國王遣竺伽藍婆奉獻金銀琉璃諸香藥等

物

孝武帝孝建二年宋起居注

盧汾於後魏莊帝永安二年是日將赴洛友人宴於齋中夜闌月出忽聞庭前槐樹有笑語聲並絲竹音韻數友人聞而訝之俄見青衣綠衣女子出槐中謂汾曰此地非即君所詣汾曰吾適宴罷故來請見女子笑曰即君請入其內汾舉目見門戶盡開有一女出戶謂汾曰娘子命即君及諸郎相

見汾與友人俱入見數十人各年二十餘立於大室中其額曰審雨堂汾與友人歷階而上與紫衣婦人相見紫衣命汾等就宴後有白衣青衣自堂東西出艷麗異常忽聞大風所望審雨堂梁傾汾與友人驚走乃醒將明見庭中風折大枝連根而墮以火照所折處穴中有蟻又有一二蚯蚓俱死於槐穴中

盧汾字士濟幼而好學出太平廣記

取鷹法七月二十日為上時內地者多塞外者殊少八月上旬為次時下旬為下時塞外鷹畢至矣

天中記

二十一日

隋文帝崩以是日發喪

仁壽四年七月二十一日時陳夫人與後宮戰栗失色

賜夫人遣使者賁小金合帖紙親署封字以之乃發合中有同心結數枚宮人咸悅相謂曰得免死矣陳夫人恚而却坐不肯致謝諸宮人共逼之乃拜使者其夜太子蒸馬

中書門下表言在漢之隆實居長樂有唐之盛亦

闡義安請以皇太后曹所居慈壽宮為慈壽殿

宋英宗治平元年七月二十一日中書門下表出實錄

印肅禪師書偈于方丈西壁書畢跏趺而逝

據楚通志

七月十一日書偈示寂據史纂左編二十一日示寂故是日亦載師夢一僧點其背曰汝他日當白省既寤白母黃氏親點紅瑩大似世之櫻珠

上元唐真人

生大翰墨全

二十二日

唐肅宗延英殿梁上生玉芝一莖三花肅宗作玉

靈芝詩 上元二年七月二十一日梁生芝出玉海

元稹暴疾卒

元稹字微之河南人八歲喪父其母鄭夫人家貧為稹自授書教之九

歲能屬文二十八應制登第者十八人稹第一後改授越州刺史兼御史大夫浙東觀察使會稽山

水奇秀積所辟幕職皆當時文士而諷詠詩什動
盈卷快副使竇鞏海內詩名與積酬唱最多太和
五年七月二十二日卒于鎮時年
五十三贈尚書右僕射出舊唐書

二十三日

晉成帝有星孛于西北至七月是日乃滅占曰為

兵亂

咸和四年郭默殺江州刺史劉胤荆州刺史陶侃討默明年斬之是時石勒又始僭號出

通考

京兆韋詞為宛陵廉使是日微雨詞於公署寢忽

夢一人投刺視之見題其字曰李故言俄於恍惚

間空中有人言明年及第狀頭

元和六年詞訝其事為名中必有故

字者馬得有李故言哉後果有舉人投刺其名一如夢中但故為固耳詞藏夢中事不洩乃曰足下明年必擢第兵部侍郎許孟容知舉果擢為榜首初固言嘗夢着宋景文後固言居左拾遺舊例諫官從駕行禮者太常各須禮衣一襲固言所服衣下有字曰左補闕宋景文信乎數皆前定此出續定命錄又先固言下第游蜀遇一老姥與言即君明年芙蓉鏡下及第明年果狀元及第詩賦有人鏡芙蓉之目所遇老姥乃金天神也出酉陽雜俎

詩

浙浙曉風起孤舟愁思生蓬牕一螢過葦岸數蛩
鳴老大畏為客風波難計程家人夜深語應念客

猶征

張宛丘七月二十三日立秋夜行泊林里港

二十四日

宋仁宗御迎陽門召宰執以下觀御書妙法正覺

殿額次赴天章閣觀御書 嘉祐三年

南宋高宗出御製郊祀天地宗廟樂章並御札付

宰執宣示禁後及館閣之臣 紹興二十八年以上玉海

西蜀孟昶卒太祖傷之是日正衙備禮冊命昶其

文曰維乾德二年某月某日皇帝若曰咨爾故檢

校太師兼中書令秦國公孟昶用贈之典所以彰

世祚而紀勲伐繼絕之義所以旌異域而表來庭

苟匪全功寧兼二者國家乘乾撫運拓地開圖既

定壺關之亂復剪淮夷之兇兵威震疊寰宇來同

以至薄伐兩川祖征三峽惟爾昶襲乃堂構據有

巴庸於戲爾有及親之孝特異常倫爾有達上之

情所期終養何高穹之不祐與幽壤之同歸云云

昶母李氏隨昶至京師太祖數命有與入宮謂之

曰使妾安往太祖曰歸蜀李氏曰妾家本太原得

曰俟平劉鈞即如母願因厚加賜資及昶卒不哭

以酒酬地曰汝不能死社稷貧生以至今吾所

卒太祖聞而傷之七月二十四日正衙備禮冊命

昶出宋史世家傳

仁宗誼卒

宗誼知淄州借紫加勳騎都尉劉跋作誌

銘銘曰服周於身棺周於服剗石豪文以為之擲
度三之一得其函深如函之深為之蓋博其封可
隱其坎可席從先大夫歸以
真宅宗誼字仲宜出宋文鑑

龍樹王生辰

經藏

二十五日

晉安帝五虹見於東方

義熙七年七月二十五日
五虹見天子黜

聖人出出宋書符瑞志

琅耶王儼斬和士開

和士開字彥通清都臨漳人
也世祖時恒令士開與太后

握槊又出入儼惡馬七月二十五日斬之時年四
放恣琅邪王儼性庸鄙不窺書傳發言吐論惟知諂
媚河清天統以後威權轉盛富商大賈朝夕填門
朝士不知廉耻者多相附會甚
者為其假子出北齊書恩倖傳

槃瓠石窟每歲是日扶老携幼集於廟祠以牛彘

酒酢椎歌歡飲

武溪山高可萬仞半有槃瓠石窟
俗相傳曰槃瓠每歲七月二十五日種類四集於

廟扶老携幼環宿其旁凡五日祠以牛彘酒酢椎
歌歡飲即還又魏畧曰高辛氏有老婦居王室得
耳疾桃之乃得物大如萌婦人盛瓠中覆之以槃
俄頃化為大共文五色

因名槃瓠出武陵記

劉助尸解

精助唐即瞻之弟年十三能詩讀書惟
於道人道德經嘗結茅舍山林間以不妻

為誓曷曰以子顛秀取青紫如探囊何苦爾爾曰
富貴草上霜斗不知養性塚兆累累雖王侯何益
忽一日有二道士過訪其廬與之談甚異二二人
秘傳內養之術兼授餐松服石之法相處近月鄉
人視其廬有五色雲籠之又謂助曰吾二人度汝
君勿泄吾玉屋真人也二人忽不見助大中元年
七月二十五日尸解去此事九月十日
六日亦載列助字元德柳陽仙傳

通天護國嘉應侯生

翰墨大

沐浴令人壽長

雲笈七籤

詩

一夕驕陽轉作霖
夢回涼冷潤衣襟
不愁屋漏牀
牀濕且喜溪流岸
岸深千里稻花應
秀色五更桐

葉最知音無田似我猶欣舞
何況田家望歲心

曾茶

山七月二十
五日大雨作

我夢遊天台橫空石橋小
秋風吹萼露翠濕香
嫋嫋應真飛錫過絕
澗度雲鳥舉意欲從
之翛然已松杪微言
粲珠玉未說意先了
覺來如墮空耿耿
牕戶曉群生陷迷網
獨達從古少杜叟子
何人長甯萬物表妻
孥空四壁振策念輕
喬遂為赤城遊飛步
凌縹緲回禪不歸舍
屢為瓠壺繞何人識
此志佛眼自照際我
夢君見之卓爾非魔
燒仙葩發

茗椀剪刻分萸蓼從今更不出閉戶閑驪裳時從

佛頂巖馳下雙蓮沼元豐八年杜幾先自沂東還東坡七月二十五日相遇於

金山話天台之異作詩贈之

二十六日

千秋節唐玄宗開元四年上封事者言壽星居列宿之長宜置壽星壇勅七月二十六日為

千秋節祭老人星出玉海掇會要以八月五日為千秋節兩日俱載

宰臣秦檜是日撰景鍾銘上之宋高宗紹興十六年玉海

晉平南將軍侍中王廙工飛白祖述張法得索靖

書七月二十六日一絲每寶翫之王廙右軍之叔父遺永嘉喪亂

乃以一絳四疊綴衣中以渡江今蒲州桑泉令豆盧器得之疊跡猶存出國史異纂

詩

夜入磻溪如入峽照山炬火落驚猿山頭孤月耿

猶在石上寒波曉更喧至人舊隱白雲合神物已

化遺蹤蜿安得夢隨霹靂駕馬上傾倒天瓢翻東坡

七月二十六日五更起行至磻溪未明作之

二十七日

唐玄宗是日初風伯雨師濟時育物謂之卜祀天寶

四載玉海

宋高宗幸秘書省至右文殿降輦頒手詔曰蓋聞周建外史掌三皇五帝之書漢選諸儒定九流七畧之奏文德之盛後世推焉仰惟祖宗建開冊府凡累朝名世之士由是以興而一代致治之原蓋出於此朕與學士大夫共宏斯道

紹興十四年高宗新建秘書省

七月成秘書少監游操等援宣和故事請車駕臨幸詔從之七月二十七日幸秘書省出宋史

吏部侍郎王播以是日為京兆尹兼御史大夫

唐穆

宗長慶二年

堰以是日被

肅宗孝昌二年楊州刺史李憲表云門下督周伏興以去七月憲假還家

至十一日夢瘦肥水行至草堂寺南遙見七人一人乘馬着朱衣籠冠六人從後興路左而立至便再問興何人興對曰李公門下督暫使硤石其人語興君可回我是孝文皇中書舍八遣語李憲勿憂賊堰此月破矣興行兩步呼興姓字令興速白與宿曉遂還城具言夢狀七月二十七日堰破出

魏書

二十八日

永壽節

周太祖七月二十

玄宗車駕以是日至蜀郡扈從官吏軍士到者一

千三百人宮女二十四人而已

天寶十五載出唐書

肅宗是日以鄭子儀李光弼並加平章事

至德元載出唐

曆

右補闕常濟貶萬州司戶

唐禧宗光啓元十年常濟上疏以為陛下姑息藩

鎮太甚是非功過駢首並足致天下紛紛若此猶未之寤宜稍稍典刑以威四方田令孜之黨言於上曰此疏傳於藩鎮豈不致其猜忿上覽之不悅顧謂侍臣曰藩鎮若見此疏深為忿恨自以猜間至七月二十八日貶濟萬州尋賜死其是非功過駢首並足言齊是非一功過無所差別也出續寶錄運

錄運

夜軍是日亂田弘正并家屬叅佐將吏等三百餘

口並遇害

唐穆宗聞之震悼出誓唐書

宋王深甫卒

深甫以進士補亳州衛真縣主簿歲餘自兌去有勸之仕者深甫辭以養母

其墓誌銘王安石作馬銘曰嗚呼深父維德之仔肩以迪祖武厥艱荒遐力必踐取莫吾知庸亦莫吾侮神則尚反歸刑此土治平

二年七月二十八日卒宋文鑑

蘇東坡卒於常州

子由作東坡墓誌銘云先生七月被病二十八日卒於昆陵吳

越之民相與哭于市其君子相與哭于家計聞四方無賢愚皆咨嗟出涕徽宗建中靖國元年時年

六十六出長公外紀

西洛劉真人昇仙

集仙錄

詩

漢節熒煌直北馳皇家卜世萬年期東京盛德符

高祖說與中原父老知

朱文公七月二十八日聞報喜而成詩

吾年四十九羈旅失幼子幼子真吾兒眉角生已
 似未暮觀所好編躑逐書史搖頭却梨栗似識非
 分耻吾老常鮮懽賴此一笑喜忽然遭奪去惡業
 我累爾衣薪那免俗變滅須臾爾歸來懷抱空老
 淚如瀉水

我淚猶可拭日遠當日忘母哭不可聞欲與汝俱
 亡故衣尚懸架漲汝已流林感此欲忘生一臥終
 日僵中年忝聞道夢幻講已詳諸藥如丘山臨病
 更求方仍將恩愛刃割此衰老老腸知迷欲自返一

慟送餘傷

東坡子遊七月二十八日
亡于金陵作二詩哭之

二十九日

晉安帝是夜彗星出太微中彗柄起上相星下芒

尾漸長至十餘丈進掃北斗及紫微中

義熙十四年占曰彗

星出太微社稷亡天下
易政出宋書符瑞志

宋真宗詔輔臣觀粟于後苑御山子觀御製文閣

御書及嘉禾圖賜飲是日皇子從游

景德六年宋史禮志

陳搏左手支頤昇仙

陳搏亳州真源人幼嘗有青
衣老嫗來乳之成道後隱於

華山玉泉院後又命弟子賈德昇鑿石室張超谷
既成而大笑左手支頤而死時元祐二年七月二

十九日也出七修類稿據史纂左編十月二十二據翰墨大全七月二十二

天皇真人受六壬遁甲秘經日翰墨大全

詩

麟閣龍旗日月章中興再見赭袍光仰觀焜燿人

文盛深識扶持德意長功利從今卑管晏浮華自

昔陋盧王慚非實學酬天造敢効明河織女襄呂東

萊恭和御製七月二十九日幸秘書省

三十日

天鳳三年是日日食玉菴大赦天下通考

宣城太守殷祐有病韓友善占卜筮之曰七月三

十日大鵲鳥來集廳事上宜勤伺取若獲者為善

不獲將成禍至期果有大鵲垂尾九尺來集廳事

上掩捕得之祐乃遷石頭督護後為吳郡太守友

占卜神效甚多而消殃轉福無不驗友字景先廬江舒人也為

書生受易於會稽伍振故善占卜出晉書翰友傳

弔鳥山俗傳曰鳳死其上每至七月三十日望群

鳥來集其上嗚呼李彫四部

地藏菩薩生辰藏經

地藏菩薩

孔子是日太上老君受三乘妙道

翰墨大全

詩

端筴得幽貞考槃寄茲嶺未成長往計抱恨終耿
耿秋風吹庭樹遙夜枕席冷感彼歲序移慨此心
事永明晨發孤興趨駕向絕境躋攀力雖倦想像
意逾騁雲山一以眺俯仰疑倒景檢校石田收眷
戀茅屋靜淹留復未遂外物媿張邴珍重同來人
妙語各清整攀節三嘆餘超然得深省

七月二十九日與子晦純叟伯林同叢屏山西登雲谷三十日夜乃至而季通德功亦白山北來會

賦詩紀事

Blank columns for text on the left page.

日涉編卷之七終

